

NIA VOĈO
Madrída Esperanto-Liceo
San Alejandro 6-4^oB-Ext. 28005 Madrid
(Nur poŝta adreso)

Ni kunvenas lunde je la 18,30 en Rodríguez San Pedro 13-3^o-7

Redaktas kaj eraras: Lupe Sanz

DECEMBRO2002

NEKROLOGO

Forpasis nia veterana samideano kaj membro de MEL, Venancio Monsalve de la Cruz, kiu dum la pasintaj jaroj donacis al la bibliotekoj de la Liceo kaj HEF diversajn esperantajn librojn kaj revuojn. Pace ripozu.

KONTAKTOJ EN ĈILIO

La prezidantino kaj la sekretariino de MEL, Carmen Suárez kaj Lupe Sanz feris en Ĉilio kaj renkontiĝis kun samideano José Antonio Vergara en Puerto Montt, en la suda parto de la lando. Kvankam la movado en Ĉilio estas malforta, dank'al interreto Jose Antonio estas informita de esperantaj novaĵoj. Li ofte partoprenas en internaciaj kongresoj kaj uzas kutime pasporta-servo.

VORTARO DE F. DE DIEGO

Finfine eblas jam ANTAŬMENDI la "Gran Diccionario Español-Esperanto" de Fernando de Diego. La hispana vortaro tre similas al la "Nova PIV" laŭ nombro da paĝoj kaj formato. Tamen ĝia fina prezo estos nur 45 eŭroj. Sed ekzistas rabato por antaŭmendo: 30 eŭroj plus 3 por sendokosto.

Madrída Esperanto Liceo faros komunan mendon (sed ĝi ne sendos ekzemplerojn ekster Madrido). Antaŭpago de 33 eŭrojn necese (lunde en nia konversacia rondo aŭ en la bankkonto de Esperanto Liceo de Madrid. Banco Atlántico: 0008 0110 97 1120 404200
Limdato por pagi al MEL: 2003-02-20

Atentu: la vortaro aperos en JULIO nur se oni atingas minimuman nombron da antaŭmendoj.

MANGADA, HERRERA KAJ REDONDO

La Kultura Konsilantaro de la Urbeŝtaro de Madrido, informis jene al Tonyo del Barrio. Por MANGADA, oni probable povus starigi tabulon en unu strato de Madrido. Temas pri tiuj flavaj romboj, kun indiko pri nomo kaj unu frazo pri la homo. Ni devus peti tion al tiu Concejalía mem, kun eta dosiero pri la homo kaj indiko de la domo (normale, loko de loĝado); necesus nur konsento de la Konsilantaro kaj de la Komunumo de Loĝantoj de la Domo.

Por HERRERA: ĉar mi komentis la ekziston de Fondaĵo kun lia nomo, li sugestis ke tiu mem faru la peton.

Pri REDONDO: kiam oni inauguros la straton en Sanchinarro, ni povos partopreni la ceremonion, se ĝi okazos.

ESPERANTO EN AMASMEDIOJ

(El Mundo 2002-11-6). Novaĵo pri la aventuro de du katalunoj (Manuel Viñals kaj Joaquín Marcoval de La Sénia-Tarragona) kiuj plenumis vojaĝon ĉirkaŭ la mondo dum 80 tagoj parolante Esperanton. Sen vojaĝi en aviadilo, ili trapasis ŝipe la marojn kaj estis bonvenitaj en la havenoj de esperantistoj kiujn ili kontaktis pere de interreto.

E-RETKURSO

La responsulo de www.mailxmail.com petis de HEF e-kurson por oferti en la retpaĝaro. Ana Manero verkis ĝin bazita sur la lernolibro de M. G. Adúriz kaj aliaj. La 27 lecionoj estis pretaj en oktobro kaj 75.000 lernantoj de Mailxmail ricevis retleteron pri la nova kurso.

LA ZAMENHOFA BANKEDO OKAZOS LA LASTAN SABATON DE JANŬARO (25an)

EN APARTA FOLIO NI INKLUDAS RESUMON DE AKTIVAĴOJ DE MEL DUM 2002

VENONTAJ PROGRAMOJ EN MADRIDO

Niaj konversacia-rondoj okazas ĉiulunde, ekde la 18.30 h, en RODRÍGUEZ SAN PEDRO 13-3º-7 Tel. 91 446 80 79.

Prelegoj: "Ĉilio, nordo kaj sudo". Lumbildoj de Carmen Suárez. 16-a de decembro je la 19,00 h
Poste ni adiaŭas la jaron tostante kun "kavo" de nia samideano Andrada.

IUBILEO DE BEC

Barcelona Esperanto-Centro festos tiu-ĉi jare sian 25-an datrevenon. Ĝi ricevis la oficialan permeson la 13-an de julio de 1977. Por memorigi la eventon BEC eldonis du verkojn: "Esperantismo. Eseoj, prelegoj" de Giordano Moya kaj la hispanan tradukon de "Esperanto en perspektivo" de G. Moya, farita de la membroj de la supera kurso de BEC.

SIGNOJ EN LINGVOJ

& (en la angla ampersand, en esperanto kaj kaj en hispana etcétera aŭ y) . Jam aperas en la deka jarcento kaj estas la rezulto de malrapida metamorfo de la latina et. .

@ (heliko en esperanto, at en la angla kaj arroba en la hispana) La signo ankaŭ estas evoluo de la litero "a" kiel mallongigo uzata en 1536 por la veneciaj komercistoj kiel mezurunuo amphora aŭ la pezunuo arroba uzata en Hispanio kaj Latin-Ameriko.

TTT- VIZITINDAJ

Vizitu jenajn paĝojn kaj enskribu en la gastlibroj tio helpas daŭre konservi ilin

++www.esperanto.pl++ ++www.malbork.pl++ ++www.um.gliwicz.pl++

++www.przemet.pl++ ++www.um.torum.pl/esperante++

ĈE UEA

UEA Membraro. Fine de 2001 Hispanio havis entute 490 membrojn de UEA (143 IM kaj 347 AM)

Gazetaraj komunikoj. La individuaj membroj, kiuj deziras rekte ricevi la gazetarajn komunikojn, bv. sendi mesaĝon al gazetaraj.komunikoj-request@co.uea.org kun nur la vorto subscribe en la temlinio kaj nenio (eĉ ne la subskribo) en la korpo de la mesaĝo.

Pedro A. Garrote estas la nova kotizperanto de UEA en Hispanio. De nun sendu viajn kotizojn por UEA, viajn abonojn por "Esperanto" kaj "Kontakto" kaj viajn UK-Aliĝojn al la nova adreso: Apartado 119-Esperanto. 47080 Valladolid. Konto (Banesto) 0030 6002 74 0000901271 aŭ al pgarrote@eurociber.es

Se vi ankoraŭ ne pagis memoru ke
la kotizo de MEL por la jaro 2002 estas 12,00 euroj

I FELIĈAJN FESTOJN I

:.....:

ESPERANTO LICEO DE MADRID

San Alejandro 6-4ºB. Ext

28005 Madrid

Asociación de Utilidad Pública Municipal